

დ რ თ ე შ

სურათებიანი დამატება

გაზეთის № 176. კვირა, 9 აგვისტო 1909 წ. დამატების № 31.

უცარი ტალა.

დრამა ოთხ მოქმედებად.

მომხმედნი პირნი:

- არჩილ 35 წლისა.
- ექვთიმე ბერ-ილუმენი, 65 წლისა, არჩილის ბიძა.
- გრიგოლ ბერი, 40 წლისა.
- სვიმონ 50 წლისა, მაგრამ ჭაბუკურ სიყოჩაღისა და სიმამაცის გამოძახებელი.
- შალვა 26 წ. სტუდენტი.
- ლელა სვიმონის შვილები 23 წლისა
- ტიტო 13 წლისა.
- ღვთისმ სვიმონის ძმა, 35 წლისა.
- ალექსი მორჩილი, 25 წლისა.
- მიხეილ დვალთყე ვაჭარი, 55 წლისა.

ბერები, უცნობები, გემის მოსამსახურენი და სხვანი.

უკანიდან მოსჩანს ეკლესიის ერთი კუთხე, წინ კიდევ სამი კიბის სიმაღლეზე მოსჩანს ოთახი, რომლის კარებიც გამოღის მარჯვენა მხრით ეზოში. ოთახში ორი სტოლია წიგნებითა და ქაღალდებით სავსე. იქავე სდგას შკაფი, ისიც წიგნებით გაჭიკნული. სტოლებს ახლო სდგას რამდენიმე სკამი. კედელზე რამდენიმე საუცხოვო სურათია ქართულ და უცხოურ ისტორიულ პირთა. ფანჯრებს მწვანე ფარდებსავით აჭფარებიან ყვავილების გრძელი ნაწნავები. მარცხნივაც მიღის კარები მეორე ოთახში.

ეზოში კლდის ნაპრალებზე, რომელიც გადაჰყურებს ზღვას, სდგას გრძელი ფიცრის სკამი.

სკამზე ზის მამა ექვთიმე და გართულია დაბადების კითხვაში. ფარდის ახლის შემდეგ ცოტახანს კიდევ ისმის ზარის რეკვის ხმა მლოცველთა მოსაწოდებლად.

ექვთიმე. (თითს დაადებს სდაც კითხულობდა, მერე ცოტა ხნით ჩაფიქრებული თავს ასწევს მადლა, თითქოს რაღაცას იგონებსო. შემდეგ ისევ გაერთობა კითხვაში).



ვლ. ლორთქიფანიძე მოწაფეებთან ერთად.

ტფ. სათავად-აზნაურთა სკოლის მეოთხე კლასის მოწაფენი 1898 წ.

მოქმედება პირველი.

მოქმედება სწარმოებს შავი ზღვის მახლობლად გაშენებულ ერთ-ერთ მონასტერში. აქეთ-იქიდან შემოკალთულია საამურად ამწვანებულის მთებით, რომლის ერთ მხარეზე ჩაუღის კარგა ფართო ბილიკი. პირდაპირ, შორით მოსჩანს ფართოდ გატყორცნილი ზღვის კიდე, რომლის ზედა პირი უცხო პეპლებსავით ლაპლაპ-კამკამებს გამოსამშვიდებლად გამზადებულ მზის სხივებზე.

მარჯვნივ აშენებულია ერთ-სართულიანი სახლი მრავალის კარებით; ეს ბერების სადგომებია. მარცხენა მხრით

ერთ-ერთ კარიდან გამოდის მ. გრიგოლ.

გრიგ. მამაო ექვთიმე, დღეს ვინ არის მლოცველი?

ექვთ. (თავს ასწევს დინჯად). დღეს? — მამა სვიმონი.

გრიგ. მაშ ხვალ დილით მე ვიქნები?

ექვთ. დიაღ. (ცოტახანს მერე ისევ განაგრძობს კითხვას. გრიგოლ ჯდება ექვთიმეს გვერდით. სიხუმე).

გრიგ. მამაო ექვთიმე! თქვენ როგორღაც გეტყობათ, ძალიან გართულხართ კითხვაში?

ექვთ. ჰოო, დაბადებამ დამიმონა და ველარა ვშორდები. (დახურავს და დაიღებს მუხლებზე)

გრიგ. ეგ მერამდენეთა კითხულობთ განა?
ექვთ. ვინ იცის! როცა კი ვიშოვი ცოტაოდენ თავისუფალ დროს, მაშინვე ამას ვსწირავ ხოლმე მსხვერპლად.
გრიგ. ეგრეთი მსხვერპლი დაკარგული არ არის.
ექვთ. რა სიხარბით ვეწაფები ხოლმე ამის სიმდიდრეს, ამის სილამაზეს და აქამდის კიდევ ვერ გავმძლავრე მითი.
გრიგ. ოო! დაუშრეტელია მაგისი სიმდიდრე! დაუმტკნარია მაგისი სილამაზე!..
ექვთ. ოღონდაც, ოღონდაც, მამაო გრიგოლ!..

შემოდის არჩილ, მხარზე ბარგ-გადადებული და სამუშაო ხალაით.

არჩილ. უჰ, ბიძაჩემო! დღეს რამდენი ვიმუშავე! სწორედ რომ დავიღალე.
ექვთ. მაშ დღევანდელი დღე ბედნიერი ყოფილა შენთვის.
გრიგ. შრომასა და ღვთის დიდებაში გრძნობს კაცი ნეტარებასა და შვებას...
არჩილ. ღვთის დიდებისა კი რა მოგახსენოთ, მაგრამ შრომის ნეტარებით კი ბევრჯერ დავმტკბარვარ მართლა.



რევოლიუციის მსხვერპლი.
 რევოლიუციის მსხვერპლი.

ექვთ. შენ თან და თან კარგად შეეჩვიე ჩვენს ცხოვრებას. თუმცა ეხლა წინააღმდეგი ხარ, მაგრამ, თუ ინება ზეციერმა, იქნება იმ დღესაც მოვესწრო, როცა შენ ბერად ეკურთხები.
არჩილ. შენ რომ მაგ დღეს უცალო, უკვდავი შეიქნები, გარწმუნებ!
გრიგ. რატომაც არა, არჩილ! შოთამაც ეგრე არა ჰქნა! ჯერ ხალხს ებაასეთ, მას უკმით საკმეველი და მერე ღმერთსა ყოველ შემთხვევაში არც ერთი არ იქნება უნაყოფოდ დაკარგული.
არჩილ. ჩემი ლოცვა-ვედრება ყოველთვის უნაყოფოდ იქნება დაკარგული.
გრიგ. რათა? რათა?
არჩილ. იმიტომ, რომ ის იქნება ამონათქვამი ურწმუნო გულიდან და ურწმუნოთა ლოცვა-ღაღადი კი, მე მგონი, არც ერთს ღმერთს არ ესმოდა.
გრიგ. ჩვენი ღმერთი მოწყალეა და ღმობიერი.
არჩილ. ეჰ, მამაო გრიგოლ! ნუ ვილაპარაკებთ იმაზე, რაც არც თქვენთვის არის სასიამოვნო და არც ჩემთვის იქნება საამური.
გრიგ. რაც მართალია, მართალია, ჩემო არჩილ! იმიტომ უმ-

ჯობესი იქნება, მე ეხლა სალოცავად წავიდე. (მადლობის დიმილით თავს დაუკრავს და მადის ეკლეისისკენ).
არჩილ. (გაჭყურებს ბიდიკს). ალექსის გაზეთე... მოაქვს. ეს რა ჩქარა მოსულა გემი!
ექვთ. ეხლა შეამჩნიე? ის რა ერთხანია მოვიდა.

შემოდის ალექსი. ხელში უჭირავს მთელი კონა გაზეთები.

ალექსი. იმდენი გაზეთი მომაქვს, რომ აქ მთელი მილეთის ამბავი უნდა ეწეროს, მგონი.
არჩილ. აი, ყოჩაღ! (აწთმევს გაზეთებს. ალექსი გადის. ცოტახანს დაჭყურებს გაზეთს და მერე ამოიკითხავს) „თექვსმეტი ივლისი!“ (მოგონებით) დღეს სრული ორი წელიწადია, რაც მე აქა ვცხოვრობ, ამ უდაბნოში.
ექვთ. როცა შენ წერილებსა მწერდი, მონასტერში უნდა გადმოვსახლდეო, მე ხუმრობა მეგონა და ყურს არ გათხოვებდი. შემდეგ კი, როცა გადმოსახლდი მართლა, მე დარწმუნებული ვიყავ, რომ ორ თვესაც ვერ გასძლებდი, მაგრამ, აი, ორი წელიწადიც კი გავიდა — აქა ხარ.
არჩილ. ბარე ბევრი ორი წელიწადი გავა კიდევ ჩემ აქ ყოფნაში.
ექვთ. რამდენიც გენებოს იყავი, შვილო! ჯერ გინდაც არაფერს არ აკეთებდე, ვის შეუძლიან, დაგაყვედროს ღვთის ლუკმა, მერეა და შენ ყველაზე მეტს ირჯები აქა და მით უმეტეს გულშიაც კი არავის არ შეუძლიან გაივლოს რამე უკმაყოფილება. პირიქით—ყველა ბერი მადლობელია შენი აქ ყოფნით.
არჩ. მეც მადლობელი ვარ მათის ასეთ კეთილ განწყობილებისათვის. (სიჩუმე).
ექვთ. მე მაინც მიკვირს, როგორ შეეჩვიე ესეთ მყუდრო, განმარტოვებულ ცხოვრებას!
არჩ. განა თუ მარტო შევეჩვიე, პირდაპირ შემიყვარდა კიდევ.
ექვთ. იმიტომ შეგიყვარდა, რომ შენი ბუნება სწორედ ბერობისათვის არის განწყობილი, მაგრამ ეგ რწმენა, რწმენა გიშლის ხელსა...
არჩ. არა! იმიტომ შემიყვარდა, რომ ჩემ ადამიანურ სიწმიდავესა და სიფაქიზეს არ ეცნობა ის ჭუჭყი, რომლითაც თავით-ფეხამდის ისე არიან მოსვრილნი „იქ“ მცხოვრებნი. (ხელს იშვერს ხმელეთისკენ, ძიანს). იმიტომ შემიყვარდა, რომ ჩემი სიამაყე არ განიცდის იმ დამცირებას, რომელსაც ყოველ ნაბიჯზე შეხვდება ხოლმე კაცი „იქ“!
ექვთ. მართალია, შვილო არჩილ, მართალი!
არჩ. აქ ჩემი ბუნება, როგორც კი შესაძლოა, თავისუფალი იმ ბორკილებისაგან, რომლებითაც ისეა შებოჭილი „იქ“ მცხოვრებთა ოცნებაც კი, ოცნებაც, არა თუ ნამდვილი ცხოვრება.
ექვთ. ჩვენ შთამომავლობით მოგვდგამს ესეთი მისწრაფება თავისუფლებისა და მყუდროებისაკენ.
არჩ. შეიძლება. (მადის თავის ფახში. გაზეთებს დაჭერის მაგიდაზე და შეჩერდება. მერე მივა ზანტად, ჩამოაღებს კედლიდან სკაბუას და უკრავს წინარის ხმით. ექვთამე წამოადგება და შედის ერთ-ერთ კარებში. სიჩუმე).

ერთბაშად, ცქვიტად ამოირბენს ბილიკზე ტიტო.

ტიტო. (იუურება კურდღელივით აქეთ-იქით და, რა ვერავის დაინახავს, გადადგება ნაპირზე და უუვირის სვიმონს). აქ არავინ არის, მამა!



ზმანე გამოდის ალექსი.

ალექ. თქვენ საიდანა ხართ, ყმაწვილო?

ტიტო. ჩვენ აქ მონასტრის დასათვალიერებლად მოვედით.

ბილიკით შემოდინან სვიმონი, ღვთისო, ლელა და შალვა.

სვიმ. აქა მშვიდობა!

ალექ. გადღეგრძელოთ ღმერთმა!

სვიმ. ილუმენის ნახვა შეიძლება?

ალექ. რატომ. ეხლავე შევატყობინებ. (შიდას, სადაც ექვთიმე შევიდა)

ღვთისო. რა არის, ღამის გათევის ნება არ მოგვცენ და დღესვე მოგვიხდეს ისევ უკან დაბრუნება!

შალვა. მაშინ სირცხვილი მაგათი, თორემ ჩვენ, როგორც იქნება, შეველევით მაგათ ღამის გათევისადა და მონასტრის ნახვასაც.

გამოდინან ექვთიმე და ალექსი.

სვიმ. საღამო მშვიდობისათ, მამაო! (ხელზე კმთხეკვა. უყვლანი თავს უკრავენ.)

ექვთ. მშვიდობა ნუ მოგაკლოთ მამა ზეციერმა!

სვიმ. სტუმრები არა გნებავთ, მამაო? და ისიც ამდენი ერთად?

ექვთ. რატომ, სტუმრები ღვთისაა და ჩვენი კარიც ყოველთვის ღიაა მათთვის.

სვიმონ. მაშ შეიძლება ერთის ღამით დავრჩეთ აქ? მონასტერსაც დავათვალიერებთ, ცოტასაც დავისვენებთ ზღვაზე ჯანჯალის შემდეგ და ხვალ ისევ გავემგზავრებით შინისკენ.

ექვთ. დიდის სიამოვნებით! დიდის სიამოვნებით! (შეტრიალდება რადჯის ანგარიშით.)

სვიმონ. საკმელ რამეზე ნუ შესწუხდებით, მამაო, რადგან ჩვენ თვითონ ბლომათა გვაქვს წამოღებული და ჯერჯერობით იქ დავტოვებთ, ქვეით.

ექვთ. სტუმრების სამყოფი აქაც მოგვეპოვება ყოველთვის, იქიდან რომ არ შეწუხებულიყავით. ცოტა ხანს მოითმინეთ, ეხლავე! (შიდას აჩხილთან)

ღვთისო. როგორც ეტყობა, ქართულ სტუმართ-მოყვარებას შეეხვედით აქა.

ლელა. რა კეთილი გამომეტყველების სახე აქვს მაგ ბერსა! ალბად, გულიც ისეთი აქვს, როგორც ვამჩნევ.

შალვა. მე კი ეს მიღამო და სურათები უფრო მომწონან, ვიდრე შენი ბერის კეთილი სახე (იჭურება აქეთ-იქით).

ექვთ. შეილო არჩილ, რა გითხრა!

არჩილ. ბრძანე, ბიძაჩემო!

ექვთ. სტუმრები გვეწვივნენ ერთის ღამით და რაც ცარიელი ოთახები გვქონდა, სულ მლოცავად მოსულ ბერებს უჭირავთ.

არჩილ. აი, ოთახები!

ექვთ. მეც ეგ უნდა მეთხოვა, თუ შეიძლებოდა, აქ დავგვინავებინა შენთან.

არჩილ. სთხოვე! დიდის სიამოვნებით! ვაიმე, ვაიმე! ოთახს როგორ დავუჭერ!

ექვთ. მაშ მოვიყვან?

არჩილ. მაშ, მაშ! რასაკვირველია! (ხელს გაიხდის და ხელს ზედას ჩაიჭვამს. ექვთიმე გადის სტუმრებთან)

ექვთიმე. აი, ბატონებო, მობრძანდით აქ! (უყვლანი შედის აჩხილთან). ეს ერთი და იქაც მეორე ოთახი! რამდენი ხანიც გენებოთ, იმდენი ხანი ისტუმრეთ!

სვიმონ. დიდათა გმადლობთ, დიდათ!

ექვთ. რადგან სხვა ოთახები არა გვქონდა ცარიელი, ამიტომ აქ მოგათავსეთ. ესეც ჩემი ძმისწულია, აქა

სცხოვრობს მუდმივად. შემდეგ თქვენ უკეთესად გაიცნობთ ერთმანეთს და, მე მგონი, ორთავესთვის სასიამოვნო იქნება ეს.

სვიმონ. ვიმედოვნებთ, რომ ეგრე იქნება.

ექვთ. აბა, შეილო არჩილ, შენ იცი, როგორც ჩინებულად გაუმასპინძლდები იშვიათ სტუმრებს.

არჩილ. ეგ მე მომანდ, ბიძაჩემო!

ექვთ. ეხლა კი, ნება მიბოძეთ, მარტო დავტოვოთ, რადგან თქვენ დასვენება გეჭირვებათ.

სვიმონ. ჩვენ არც ისე დალაღულნი ვართ, მაგრამ როგორც თქვენ გენებოთ!..

ექვთ. როცა დაისვენებთ, მერე მონასტერსაც დავათვალიერებთ. ჯერ კიდევ კაი ხანია დაბნელებამდის.

სვიმონ. ძალიან კეთილი! დიდათა გმადლობთ ასეთ პატივისცემისა და სტუმართ-მოყვარეობისთვის! (ექვთიმე გადის.)

ლელა. (შადჯავს) როგორც ეტყობა, კაი სერიოზული კაცი უნდა იყოს ეს არჩილი!



რევოლიუციის შემდეგ.

რევოლიუციონერები ბარცელონაში, ჰუჩაში ჯართან ბრძოლის შემდეგ.

შალვა. ალბად. მაშ რად უნდა ესეთი მშვენიერი ბიბლიოთეკა ამ მიყრუებულ მონასტერში!

ლელა. ახლა სურათებს უყურე! (ერთაგანი ათვალიერებენ სურათებს)

ტიტო. მამა, მე ეზოში წავალ, ჰა?

სვიმონ. გაიქე, მხოლოდ შორს კი არსად წახვიდე! (ტიტო გამოდის ეზოში; იქ დაინახავს სკამზე მჯდომარე ალექსის; მივა ჯერ ახლას, მერე მოუჭდება გვერდზე და თავიანთთვის იწყებენ ღამაჯას)

ღვთისო. (აჩხილს) რადგან შემთხვევამ გვარგუნა ერთად ცხოვრება, თუნდ ერთის დღითაც, ამიტომ უმჯობესია უკეთესად გავეცნოთ ერთი-ერთმანეთს. თუ უკაცრავად არ ვიქნები—თქვენი გვარი?

არჩილ. (ცოტა ჩაიღინებს) სავანელი!

ხვთისო. სავანელი!.. არჩილ სავანელი!..

არჩილ. დიახ! (სხვები გაოცებით უყურებენ)

ღვთისო. არჩილ კაცო, გამარჯობა! ველარ მიცანი? (ხელს აწმეკს შავად)

არჩილ. (ცოტა დააკვირდება. მერე ერთბაშად) ჰაუ, ღვთისო, ღვთისო! (ბეჭებზე გადაჰხვევს მკლავს ხელის ცემით და თან ერთმანეთს ჰკონინან)



ჯგუფი ახალგაზრდა ინტელიგენტ სპარსელებისა.

ყველა ესენი წევრნი არიან რევოლუციონურ კომიტეტებისა. ყველას ხელში მთავარ კომიტეტის გაზეთი „ენჯუმენი“ უჭირავს.

ღვთისო. ღმერთო ჩემო! აქ სადა გხვდავ! (შაუბრუნდება სხვებს). იცით, ეს ვინ არის? ჩემი საუკეთესო ამხანაგი გიმნაზიაში და უნივერსიტეტში და...

სვიმონ. არჩილ სავანელი!.. რა ვქნა...

ღვთისო. ჰოო, ის არის, ის, რომელსაც შენ ფიქრობ: ჩვენი ახალგაზრდა სახელოვანი მწერალი და პოეტი...

სვიმ. მაშ გამარჯობათ თქვენნი! (მხურვაჯედ სეჯს ათმეჯს).

შალვა. (აღტაცებით.) თქვენ არჩილ სავანელი ხართ? (ისიც სეჯს ათმეჯს. ჯეჯა სერიფუჯათა და გაცეებით უუურებს არჩილს, თითქმის იმის შუბლზე უნდა ამოაკითხოს მისი უცნაურება).

ღვთისო. ეს ჩემი უფროსი ძმაა, სვიმონ. ესენიც ძმისწულეები არიან. ლელა! ლელავ! რატომ შენ კი არ ართმევ ხელსა?

სვიმონ. ლელა ისეა გაკვირვებული ამ უცნაურობით, რომ ხელის ჩამორთმევა არც კი მოჰგონებია.

ლელა. (სეჯს ათმეჯს) მე მგონი, ყველასთვის არის საკვირველი ეს, არა თუ მარტო ჩემთვის.

ღვთისო. მაინცა და მაინც, მე და ჩემმა ღმერთმა, სად არჩილ სავანელი, ეს თავით ფეხამდის პოეტი და მარად მშფოთავი არსება, და სად მონასტერში ცხოვრება!..

შალვა. საიდან სადაო წმინდა საბაო!

არჩილ. თქვენ, ვინ იცის, ფიქრობდით, რომ, როგორც პოეტი, ალბად, ქარაფუტულად ვატარებდი მთელ სიცოცხლეს ღვინოში, ბანქოში და ბანოვანთა არშიყობაში, არა?

ღვთისო. ყოველ შემთხვევაში ეგ უფრო ადვილი საფიქრელი იყო ჩემთვის, ვიდრე შენი მონასტერში ცხოვრება.

სვიმ. (სუმრებით) ბატონო არჩილ! ბერობისათვის ხომ არ ემზადებით?

არჩილ. არა.

ღვთისო. ამ უღაბნოში ბერი იქნება კაცი, მარა იქნება! უქვევლად უნდა ანაფორა ეცვას?

შალვა. (ღვთისოს) განა შენ არ იცოდი აქამდის, რომ აქ იყო?

ღვთისო. რა ვიცოდი! სწავლა დავამთავრეთ თუ არა, ეს აღარ მინახავს. მას უკან ავერ ათი წელიწადიც იქნება. ეს ხუთი წელიწადია, ლიტერატურაში მესმის მაგისი სახელი და ვუყურებ, როგორ იზრდება დღითიდღე. მაგრამ სად იყო თვითონ ამ სახელის მატარებელი, ცაში თუ ქვესკნელში, ამისი კი არა ვიცოდი რა.

არჩილ. თქვენ ეს მითხარით, პური ხომ არა გზიანებდათ, სამოვარი დავდგათ, ჰა?

სვიმ. არა. რა გეჩქარებათ!

ღვთისო. რა დროს ჩაია! ჩემთვის'ათასჯერ უფრო საინტერესოა გავიგო, აქ საიდან გაჩნდი? როგორ? რამ დაგაინტერესა? ან რამ გაიძულა აქ გადმოსახლება?

შემოდის ტიტო.

ტიტო. მამა! უნდა მონასტრის ბაღში წავიდე.

სვიმ. როგორ იქნება, გაგიჯავრდებიან!

ტიტო. არა, თვითონ ბერიც მოდის.

სვიმ. მაშ გაიქე, მხოლოდ ჩქარა კი დაბრუნდი! (ტიტო გადის. ისა და აჯექსი მიდიან მარჯვნივ).

ღვთისო. (არჩილს) ჰა, კაცო! სტეკი ერთი რამე, რას გაჩუმებულხარ?

ღვიმ. რამდენი ხანია აქა ხართ?

არჩილ. დღეს სრული ორი წელიწადი გახდა.

ღვთისო. ორი წელიწადი რა გაძლებინებს, კაცო, აქა?

არჩილ. ის მაძლებინებს, რომ აქ უფრო ყველაზე თამამათა და თავისუფლათა ვსუნთქავ, ვიდრე სხვაგან სადმე.

ღვთისო. კულტურულად აღზრდილ კაცისთვის და ისიც: მწერლისთვის, პოეტისთვის განა თუ მარტო საჭიროა, პირდაპირ აუცილებელიც არის მუდამ ჟამს ცხოვრების სიღრმეში, იმის გულში ტრიალებდეს და იქიდან აწვდიდეს ხალხს ახალ-ახალ თაიგულს, ახალ-ახალ ნობათს...

შალვა. მე მგონი, ღვთისო მართალს ამბობს. თქვენთვის, როგორც მწერლისთვის, აუცილებლად საჭიროა, მუდამ ბეჯითად დადევნოთ თვალყური ცხოვრების მაჯის ცემას, უიმისოდ თქვენ ჩამორჩებით მას და თქვენ ურომასაც, რაც გინდა ნიჭით იყოს ის შემკობილი, მაინც დაეკარგება სინამდვილის ხასიათი.

(შემდევნი იქნება).

ლევან მეტრეველი.



აბაშეთის (აბისინიის) მეფე მენელი II.

75 წლისაა. ამას წინად ძალიან ავად გახდა. მისმა ცოლმა, დედოფალმა ტაიტუმ ექიმი არ მიუშვა ავადმყოფთან. ამან მეფის მომხრენი გააბრაზა, რასაც შედეგად მოჰყვა ბრძოლა მეფისა და დედოფლის მომხრეთა შორის. ბრძოლის დროს დაიღუპა 150 კაცი. ბოლოს დედოფალი იძულებული გახდა, ეჩვენებინა ავადმყოფი ექიმისთვის.